



Sarajevo, 28.09.2023. godine
Broj: NO- 31960/23-3./4.5.

SKUPŠTINA DRUŠTVA

Predmet: **Objasnenje prijedloga Odluke o izmjenama Odluke o odobravanju sredstava za davanje pozajmica zavisnim društvima – rudnicima uglja**

Na osnovu člana 41. stav 1. tačka a) Zakona o javnim preduzećima u Federaciji Bosne i Hercegovine (“Službene novine Federacije BiH”, broj: 8/05, 81/08, 22/09 i 109/12), člana 62. stav 1. tačka 24., a u vezi sa članom 139. stav 1. tačka a) Statuta Javnog preduzeća Elektroprivreda Bosne i Hercegovine d.d. – Sarajevo (prečišćeni tekst), broj: NO-2190/21-41./2. od 25.01.2021. godine i Statuta o dopuni Statuta Javnog preduzeća Elektroprivreda BiH d.d. – Sarajevo, broj: SD-20745/21-70./6. od 30.07.2021. godine i člana 17. stav 1. tačka 2. Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva, (prečišćeni tekst), broj 06-8661-1/2023 od 10.03.2023. godine, Uprava Društva je na 6. sjednici, održanoj 26.09.2023. godine, utvrdila nacrt Odluke o izmjenama Odluke o odobravanju sredstava za davanje pozajmica zavisnim društvima – rudnicima uglja i isti je dostavljen Nadzornom odboru Društva na daljnje postupanje.

O b r a z l o Ź n j e

Skupština Javnog preduzeća Elektroprivreda BiH d.d. – Sarajevo je na osnovu Operativnog akcionog plana restrukturiranja rudnika uglja, broj: U-01–16245 /21-101./3. od 24.05.2021. godine, donijela Odluku o odobravanju sredstava za davanje pozajmica zavisnim društvima – rudnicima uglja, broj: SD-12872/21-69./8. od 25.05.2021. godine.

Ukupna odobrena sredstva za davanje pozajmica zavisnim društvima – rudnicima uglja u iznosu od 125.000.000,00 KM (slovima: stodvadesetpetmilionaKM), korištena su za finasiranje podsticajnih mjera sporazumnog prestanka ugovora o radu, finasiranje zaostalih obaveza doprinosa za PIO/MIO i doprinosa za nezaposlene, finasiranje troškova za prekvalifikaciju/dokvalifikaciju radnika i finasiranje izmirenja ostalih troškova poslovanja iz prethodnog perioda.

U skladu sa članom 2. predmetne Odluke, Nadzorni odbor JP Elektroprivreda BiH d.d. - Sarajevo, na 55. sjednici održanoj dana 25.05.2021. godine, donio Odluku o rasporedu odobrenih sredstava za davanje pozajmice zavisnim društvima - rudnicima uglja, broj: NO-15835/21-55./10. od 25.05.2021. godine.

Zaključno sa 31.12.2022. godine, od odobrenih 125.000.000,00 KM realizirana su sredstva u ukupnom iznosu 123.859.585,41 KM, preostali iznos sredstava iznosi 1.140.414,59 KM. Rok za davanje pozajmica zavisnim društvima – rudnicima uglja za finansiranje navedenih aktivnosti bio je do 31.12.2022. godine.

Dinamika realizacije Operativnog akcionog plana restrukturiranja rudnika uglja, broj: U-01–16245 /21-101./3. od 24.05.2021. godine nije rezultirala predviđenom dinamikom. Probijeni su rokovi za donošenje osnovnih dokumenata kao što su pravilnici o radu i pravilnici o radnom učinku i vrednovanju otežanih uslova rada u zavisnim društvima – rudnicima uglja, a što je predstavljalo osnov za nastavak ostalih aktivnosti iz Akcionog plana.

Osim toga, kasnilo se sa primjenom pravilnika o organizaciji i pravilnika sistematizaciji radnih mjesta i uz činjenicu da su doneseni programi zbrinjavanja viška radnika u zavisnim društvima – rudnicima uglja, nije bilo moguće



44 100 2243072
44 126 2243072
44 764 2243072

Vilsonovo šetaliste 15, 71000 Sarajevo, BiH

Reg. broj: UF/I-392/04 Kantonalni sud Sarajevo
Porezni broj: 4200225150005, PDV broj: 200225150005
1549212003366506 - Intesa Sanpaolo Banka d.d. BiH
1410010009748956 - Bosnia Bank International d.d. Sarajevo
102050000090111 - Union Banka d.d. Sarajevo
1346101000178654 - ASA Banka d.d. Sarajevo
1990490176075902 - Sparkasse Bank d.d. BiH
www.epbih.ba

Podružnice Društva:

Hidroelektrane na Neretvi, Jablanica, J. Černija 1
Termoelektrana «Kakanj», Kakanj, Čatići
Termoelektrana «Tuzla», Tuzla, 21. aprila 4
«Elektrodistribucija», Bihać, Bosanska 25
«Elektrodistribucija», Mostar, Adema Buća 34
«Elektrodistribucija», Sarajevo, Zmaja od Bosne 49
«Elektrodistribucija», Tuzla, Rudarska 38
«Elektrodistribucija», Travnik, Šumeće 182a
«Elektrodistribucija», Zenica, Safvet bega Bašagića 6

izvršiti preraspodjelu radnika iz neosnovnih djelatnosti, odnosno popuniti radna mjesta u novom zavisnom društvu GEOLP.

Aktivnosti koje se vode u Vladajućem društvu vezano za restrukturiranje zavisnih društava - rudnika uglja, imaju za cilj da zavisna društva - rudnici uglja budu potpuno reorganizirana, sa jasnom vizijom budućnosti, potrebnim proizvodnim kapacitetima i opremom koja će biti dovoljna za rentabilno poslovanje rudnika.

Proces prestrukturiranja zavisnih društava - rudnika uglja trenutno je u drugoj fazi realizacije koja podrazumijeva početak rada novih zavisnih društava (GEOLP d.o.o. Kakanj i MiOD d.o.o. Tuzla) i popunjavanje istih sa kvalifikovanim radnicima iz neosnovnih djelatnosti zavisnih društava - rudnika uglja.

Prema Planu prestrukturiranja zavisnih društava –rudnika uglja, predviđeno je da se zapošljavanje u novim zavisnim društvima vrši isključivo sa radnicima koji su raspoređeni u neosnovnim djelatnostima u zavisnim društvima – rudnicima uglja. U neosnovnim djelatnostima rudnika su isključivo organizacione jedinice sa kvalifikacionim strukturama radnika koji ispunjavaju uslove za rad u novim zavisnim društvima. Radnici koji će preći u nova zavisna društva imat će iste plate i nadoknade koje imaju u rudnicima.

Pored problema u tehnološkim procesima rada koji su za posljedicu imali smanjenu proizvodnju i plasman uglja, što se odražava na prihod, u periodu od početka prestrukturiranja učestale su i obustave rada u rudnicima, što je značajno uticalo na izostanak pozitivnog poslovanja.

Članom 67. Kolektivnog ugovora o pravima i obavezama poslodavaca i radnika u oblasti rudarstva u Federaciji BiH, regulisana je Saradnja u procesu prestrukturiranja i poboljšanja učinka rudnika. U cilju sistemskog rješavanja položaja rudara i poboljšanja ukupnog učinka u poslovanju rudnika Samostalni sindikat radnika rudnika Federacije BiH, Javno preduzeće Elektroprivreda BiH d.d.- Sarajevo, rudnici uglja u sastavu Koncerna Elektroprivreda BiH i Samostalni sindikat radnika rudnika Federacije BiH zaključili su Sporazum, broj: 01-09-38027/21 od 01.12.2021. godine kojim su definisali određena prava i obaveze.

Sporazum sadrži 11 tačaka, kojima su definisani pojedini rokovi aktivnosti na izradi dokumenata od posebne važnosti za prestrukturiranje zavisnih društava – rudnika uglja, od čega su najvažniji:

- usaglašavanje jedinstvenog modela Pravilnika o radu za sva zavisna društva – rudnike uglja najkasnije do 30.04.2022. godine;
- usaglašavanje jedinstvenog modela Pravilnika o radnom učinku i vrednovanju otežanih uslova rada za sva zavisna društva – rudnike uglja najkasnije do 30.04.2022. godine;
- izrada Plana i programa uvezivanja radnog staža svim radnicima u rudnicima u sastavu Koncerna Elektroprivreda BiH, a koji će se sprovesti od 01.01.2023. godine do 31.12.2028. godine;
- izmjene cijene uglja koji se isporučuje za JP Elektroprivreda BiH d.d. - Sarajevo;
- nastavak provođenja aktivnosti koje za krajnji cilj imaju otvaranje zamjenskog kapaciteta u Rudniku uglja „Gornji Vakuf“ d.o.o. Gornji Vakuf-Uskoplje;

U skladu s Operativnim akcionim planom prestrukturiranja, zaključno sa 14.06. 2023. godine, realizirane su bile skoro sve aktivnosti u zadanim rokovima, koje su bile u nadležnosti JP Elektroprivreda BiH d.d. – Sarajevo.

Kako bi se nastavio proces prestrukturiranja, Uprava Vladajućeg društva je donijela Izmjene i dopune Operativnog akcionog plana prestrukturiranja rudnika uglja broj: U-01-16245/21-101./3. od 24.05.2021. godine i U-01-21219-1/23-261/7. od 21.06.2023. godine, na koji je Nadzorni odbor Vladajućeg društva na 105. sjednici, održanoj 30.06.2023. godine, dao saglasnost.

Također, Uprava Vladajućeg društva je na 6. sjednici održanoj 26.09.2023. godine, donijela Izmjene i dopune Operativnog akcionog plana prestrukturiranja rudnika uglja broj: U-01-16245/21-101./3. od 24.05.2021. godine, broj U-01-21219-1/23-261/7. od 21.06.2023. godine i broj: U-01-31936-1/23-6/3 od 26.09.2023. godine.



44 100 2243072
44 126 2243072
44 764 2243072

Vilsonovo šetalište 15, 71000 Sarajevo, BiH

Reg. broj: UF/I-392/04 Kantonalni sud Sarajevo
Porezni broj: 4200225150005, PDV broj: 200225150005
1549212003366506 - Intesa Sanpaolo Banka d.d. BiH
1410010009748956 - Bosnia Bank International d.d. Sarajevo
1020500000090111 - Union Banka d.d. Sarajevo
1346101000178654 - ASA Banka d.d. Sarajevo
1990490176075902 - Sparkasse Bank d.d. BiH
www.epbih.ba

Podružnice Društva:

Hidroelektrane na Neretvi, Jablanica, J. Černija 1
Termoelektrana „Kakanj“, Kakanj, Čatići
Termoelektrana „Tuzla“, Tuzla, 21. aprila 4
•Elektro distribucija•, Bihać, Bosanska 25
•Elektro distribucija•, Mostar, Adema Buća 34
•Elektro distribucija•, Sarajevo, Zmaja od Bosne 49
•Elektro distribucija•, Tuzla, Rudarska 38
•Elektro distribucija•, Travnik, Šumeće 182a
•Elektro distribucija•, Zenica, Safvet bega Bašagića 6

U aktu Izmjene i dopune Operativnog akcionog plana prestrukturiranja rudnika uglja broj: U-01-16245/21-101./3. od 24.05.2021. godine i U-01-21219-1/23-261/7. od 21.06.2023. godine, broj: U-01-31936-1/23-6/3 od 26.09.2023. godine, u tabelarnom prikazu pod rednim brojem 2. planirana je aktivnost donošenje Odluke o izmjeni Odluke o odobravanju sredstava za davanje pozajmica zavisnim društvima - rudnicima uglja, broj: SD-12872/21-69./8. od 25.05.2021. godine, a koja se odnosi na povećanje iznosa pozajmice te produženje roka grace perioda i roka otplate za povrat pozajmica.

Odobrena sredstva za davanje pozajmica zavisnim društvima – rudnicima uglja utvrđuju se u ukupnom iznosu 200 miliona KM, a što je uvećanje za 75 miliona KM u odnosu na donesenu Odluku o odobravanju sredstava za davanje pozajmica zavisnim društvima – rudnicima uglja, broj: SD-12872/21-69./8. od 25.05.2021. godine.

Iznos od 75 miliona KM koji se planira odobriti zavisnim društvima – rudnicima uglja za 2023-2024 godinu procijenjen je na osnovu aktivnosti pri realizaciji po Odluke o odobravanju sredstava za davanje pozajmica zavisnim društvima – rudnicima uglja, broj: SD-12872/21-69./8. od 25.05.2021. godine, a koja je na godišnjem nivou iznosila cca 60-65 miliona KM.

U prethodnom periodu došlo je do zaostataka u proizvodnji, produktivnosti i rezultatima poslovanja kod većine rudnika, ocjena trenutnog stanja i perspektive rudnika je i dalje loša naročito uzimajući negativna mišljenja revizora, akumulirane gubitke, velike obaveze i nelikvidnost. U prethodnom periodu, zavisna društva-rudnici uglja su skoro svakodnevno imali blokade transakcijskih računa, od strane Države, radnika i dobavljača, što je onemogućivalo izmirivanje tekućih obaveza.

Poslovanje i kontinuitet rada zavisnih društava - rudnika uglja i dalje zavisi od finansijske podrške Elektroprivrede BiH d.d. – Sarajevo, a što se manifestovalo kroz davanje avansa, pozajmica i ulaganjem u dokapitalizaciju zavisnih društava-rudnika uglja.

Zbog stalne nelikvidnosti rudnika, Elektroprivreda BiH je, kako bi omogućila, donosila odluke o dokapitalizaciji, odluke o pozajmicama, avansnom plaćanju uglja, odluke o pretvaranju avansa u pozajmice. Naročito treba ukazati na izrazito loš racio likvidnosti, jer kratkoročne obaveze značajno prelaze kratkoročnu imovinu.

Dodatni razlog za nezadovoljstvo postignutim rezultatima i zabrinutost u pogledu održivog poslovanja rudnika su revizorski izvještaji iz kojih, za većinu rudnika, važe sljedeće konstatacije:

- kontinuirano poslovanje s gubitkom i problem likvidnosti što može uzrokovati neizvjesnost nastavka poslovanja,
- veliki iznos akumuliranog gubitka i značajan gubitak u odnosu na osnovni kapital,
- velike obaveze (prema državi, dobavljačima i kreditorima),
- kratkoročne obaveze znatno veće od kratkoročne imovine,
- neadekvatno iskazane obaveze (sudski sporovi, koncesije, rekultivacije...),
- precjenjena imovina.

Nadalje, na strani troškova najveća stavka su troškovi radne snage u rudnicima što uključuje i dugoročne obaveze prema Državi. Također, u prethodnom periodu došlo je do poduzimanja posebnih mjera i izrada programa sanacije ili zatvaranja određenih pogona s obzirom na nivo obaveza i troškove proizvodnje kao što su Stara Jama u Rudniku mrkog uglja „Zenica“ d.o.o. – Zenica, Jama Đurđevik u Rudniku mrkog uglja „Đurđevik“ d.o.o. – Đurđevik, Jama Kamenice u Rudniku mrkog uglja „Breza“ d.o.o. – Breza.

Obzirom da zavisna društva - rudnici uglja, nisu u mogućnosti da obezbijede sredstva za redovno i prijevremeno penzionisanje radnika, sredstva za zbrinjavanje viška radnika koji nisu u osnovnoj djelatnosti, sredstva za nabavku rezervnih dijelova i opreme, a kako bi se istima omogućilo održivo poslovanje, koje bi značilo izmirivanje tekućih



44 100 2243072
44 126 2243072
44 764 2243072

Vilsonovo šetalište 15, 71000 Sarajevo, BiH

Reg. broj: UF/I-392/04 Kantonalni sud Sarajevo
Porezni broj: 4200225150005, PDV broj: 200225150005
1549212003366506 - Intesa Sanpaolo Banka d.d. BiH
1410010009748956 - Bosnia Bank International d.d. Sarajevo
102050000090111 - Union Banka d.d. Sarajevo
1346101000178654 - ASA Banka d.d. Sarajevo
1990490176075902 - Sparkasse Bank d.d. BiH
www.epbih.ba

Podružnice Društva:

Hidroelektrane na Neretvi, Jablanica, J. Černija 1
Termoelektrana „Kakanj“, Kakanj, Čatići
Termoelektrana „Tuzla“, Tuzla, 21. aprila 4
-Elektrodistribucija-, Bihać, Bosanska 25
-Elektrodistribucija-, Mostar, Adema Buća 34
-Elektrodistribucija-, Sarajevo, Zmaja od Bosne 49
-Elektrodistribucija-, Tuzla, Rudarska 38
-Elektrodistribucija-, Travnik, Šumeće 182a
-Elektrodistribucija-, Zenica, Safvet bega Bašagića 6

zakonskih obaveza, kao i obaveza prema dobavljačima, a nakon toga i dostizanje pozitivnog i dugoročno održivog poslovanja uz postepeno smanjivanje obaveza, predlaže se pokretanje aktivnosti donošenja Odluke o izmjenama Odluke o odobravanju sredstava za davanje pozajmica zavisnim društvima – rudnicima uglja dok se ne pronađe rješenje koje će rasteretiti rudnike, u suprotnom svi pokazatelji vode ka stečajevima i gašenju proizvodnje uglja.

U skladu sa Odlukom o izmjenama Odluke o odobravanju sredstava za davanje pozajmica zavisnim društvima – rudnicima uglja, ukupan iznos pozajmice bi se za svako zavisno društvo - rudnik uglja rasporedio posebnim odlukama Nadzornog odbora JP Elektroprivreda BiH d.d. Sarajevo.

Nadalje, JP Elektroprivreda BiH d.d.- Sarajevo i svako zavisno društvo – rudnik uglja bi zaključilo poseban Ugovor o pozajmici kojim bi se detaljno odredili i definisali svi elementi u uslovi davanja i povrata sredstava odobrenih na ime pozajmice u skladu sa naprijed navedenom odlukom Nadzornog odbora JP Elektroprivreda BiH d.d.- Sarajevo.

Svako zavisno društvo – rudnik uglja bi trebalo otvoriti namjenski račun na koji bi Javno Preduzeće Elektroprivreda BiH d.d.- Sarajevo izvršila doznaku sredstava na ime pozajmice.

Povrat doznačenih sredstava na ime pozajmice bi se vršio putem kompenzacije novčanog iznosa mjesečne rate i novčanog potraživanja zavisnih društava – rudnika uglja prema JP Elektroprivreda BiH d.d. - Sarajevo nastalih isporukom uglja, prema ugovoru o isporuci uglja, u iznosu rate pozajmice, a što bi se detaljno odredilo posebnim ugovorom sa svakim zavisnim društvom – rudnikom uglja.

Nadzorni odbor JP Elektroprivreda BiH d.d.- Sarajevo bi pratio i nadzirao realizaciju Odluke o odobravanju sredstava za davanje pozajmica zavisnim društvima – rudnicima uglja.

Uprava Društva je na 6. sjednici, održanoj 26.09.2023. godine utvrdila nacrt Odluke o izmjenama Odluke o odobravanju sredstava za davanje pozajmica zavisnim društvima – rudnicima uglja. Nadzorni odbor je na 3. sjednici, održanoj 28.09.2023. godine utvrdio prijedlog Odluke o izmjenama Odluke o odobravanju sredstava za davanje pozajmica zavisnim društvima – rudnicima uglja, koji se prosljeđuje Skupštini Društva na odlučivanje.

Predsjednik
Nadzornog odbora
Ženja Ljubuškić



Prilog:
- kao u tekstu



44 100 2243072
44 126 2243072
44 764 2243072

Vilsonovo šetalište 15, 71000 Sarajevo, BiH

Reg. broj: UF/I-392/04 Kantonalni sud Sarajevo
Porezni broj: 4200225150005, PDV broj: 200225150005
1549212003366506 - Intesa Sanpaolo Banka d.d. BiH
1410010009748956 - Bosnia Bank International d.d. Sarajevo
102050000090111 - Union Banka d.d. Sarajevo
1346101000178654 - ASA Banka d.d. Sarajevo
1990490176075902 - Sparkasse Bank d.d. BiH
www.epbih.ba

Podružnice Društva:

Hidroelektrane na Neretvi, Jablanica, J. Černija 1
Termoelektrana «Kakanj», Kakanj, Čatići
Termoelektrana «Tuzla», Tuzla, 21. aprila 4
«Elektrodistribucija», Bihać, Bosanska 25
«Elektrodistribucija», Mostar, Adema Buća 34
«Elektrodistribucija», Sarajevo, Zmaja od Bosne 49
«Elektrodistribucija», Tuzla, Rudarska 38
«Elektrodistribucija», Travnik, Šumeće 182a
«Elektrodistribucija», Zenica, Safvet bega Bašagića 6



Na osnovu člana 41. stav 1. tačka a) Zakona o javnim preduzećima u Federaciji Bosne i Hercegovine ("Službene novine Federacije BiH", broj: 8/05, 81/08, 22/09 i 109/12), člana 62. stav 1. tačka 24., a u vezi sa članom 139. stav 1. tačka a) Statuta Javnog preduzeća Elektroprivreda Bosne i Hercegovine d.d. – Sarajevo (prečišćeni tekst), broj: NO-2190/21-41./2. od 25.01.2021. godina i Statuta o dopuni Statuta Javnog preduzeća Elektroprivreda BiH d.d. – Sarajevo, broj: SD-20745/21-70./6. od 30.07.2021. godine, Skupština Javnog preduzeća Elektroprivreda Bosne i Hercegovine d.d. Sarajevo, na ___ sjednici, održanoj __. __. __. godine, donosi

ODLUKU
o izmjenama Odluke o odobravanju sredstava za davanje pozajmica
zavisnim društvima – rudnicima uglja

Član 1.

U Odluci o odobravanju sredstava za davanje pozajmica zavisnim društvima – rudnicima uglja, broj: SD-12872/21-69./8. od 25.05.2021. godine (u daljem tekstu: Odluka) član 1. mijenja se i glasi:

„Ovom Odlukom se odobravaju sredstva za davanje pozajmica zavisnim društvima – rudnicima uglja u ukupnom iznosu od 200.000.000,00 KM (slovima: dvijestotinemilionaKM), radi finansiranja podsticajnih mjera sporazumnog prestanka ugovora o radu, finansiranje zaostalih obaveza doprinosa za PIO/MIO i doprinosa za nezaposlene, finansiranje troškova za prekvalifikaciju/dokvalifikaciju radnika i finansiranje izmirenja ostalih troškova poslovanja iz prethodnog perioda, u skladu sa uvjetima utvrđenim ovom Odlukom.“

Član 2.

Član 3. stav 1. Odluke mijenja se i glasi:

„Pozajmica se daje zavisnim društvima – rudnicima uglja na period od maksimalno 120 (stotinu i dvadeset) mjeseci, s tim da se odobrava gracie period u trajanju od 48 (četrdesetiosam) mjeseci od uplate sredstava pozajmice na namjenski račun svakog zavisnog društva – rudnika uglja i koji ulazi u period povrata.“

Član 3.

Član 5. Odluke mijenja se i glasi:

„Rok za davanje pozajmica zavisnim društvima – rudnicima uglja za finansiranje aktivnosti iz člana 1. je najkasnije do 31.12.2024. godine.“

Član 4.

Odluka o izmjenama Odluke o odobravanju sredstava za davanje pozajmica zavisnim društvima – rudnicima uglja stupa na snagu danom donošenja.

Broj:
Sarajevo, 2023. godine

Predsjednik

Skupštine Društva



Na osnovu člana 41. tačka a) Zakona o javnim preduzećima u Federaciji Bosne i Hercegovine ("Službene novine Federacije BiH", broj: 8/05, 81/08, 22/09 i 109/12), člana 62. tačka 24. i člana 139. stav (1) tačka a) Statuta Javnog preduzeća Elektroprivreda Bosne i Hercegovine d.d. – Sarajevo (prečišćeni tekst), broj: NO-2190/21-41./2. od 25.01.2021. godina, Šezdeset i deveta (vanredna) Skupština JP Elektroprivreda BiH d.d. - Sarajevo, održana dana 25.05.2021. godine, donosi:

ODLUKU

o odobravanju sredstava za davanje pozajmica zavisnim društvima – rudnicima uglja

Član 1.

Ovom Odlukom se odobravaju sredstva za davanje pozajmica zavisnim društvima – rudnicima uglja u ukupnom iznosu od 125.000.000,00 KM (slovima: stodvadesetipetmilionaKM), radi finansiranja podsticajnih mjera sporazumnog prestanka ugovora o radu, finansiranje zaostalih obaveza doprinosa za PIO/MIO i doprinosa za nezaposlene, finansiranje troškova za prekvalifikaciju/dokvalifikaciju radnika i finansiranje izmirenja ostalih troškova poslovanja iz prethodnog perioda, u skladu sa uvjetima utvrđenim ovom Odlukom.

Član 2.

Ukupan iznos pozajmice će se rasporediti zavisnim društvima – rudnicima uglja posebnim odlukama Nadzornog odbora JP Elektroprivreda BiH d.d. Sarajevo, za svako zavisno društvo-rudnik uglja.

Član 3.

Pozajmica se daje zavisnim društvima – rudnicima uglja na period od maksimalno 120 (stotinuidvadeset) mjeseci, s tim da se odobrava gracie period u trajanju od 24 (dvadesetičetiri) mjeseca od uplate sredstava pozajmice na namjenski račun svakog zavisnog Društva – rudnika uglja i koji ulazi u period povrata.

Kamatna stopa na realizovani iznos pozajmice iz člana 2. ove Odluke će biti u visini od 1,5% na godišnjem nivou

JP Elektroprivreda BiH d.d.- Sarajevo i svako zavisno društvo – rudnik uglja će zaključivati posebne Ugovore o pozajmici kojima će se odrediti i definisati svi elementi davanja i povrata sredstava odobrenih na ime pozajmice u skladu sa odlukom Nadzornog odbora JP Elektroprivreda BiH d.d.- Sarajevo.

Član 4.

Pozajmica će se realizirati doznakom na namjenski račun, koji će za tu potrebu otvoriti svako zavisno društvo – rudnik uglja.

Povrat pozajmice će se realizirati kompenzacijom novčanog iznosa mjesečne rate i novčanog potraživanja zavisnih društava – rudnika uglja prema JP Elektroprivreda BiH d.d. Sarajevo nastalih isporukom uglja, prema ugovoru o isporuci uglja, u iznosu rate pozajmice, o čemu će se detalji utvrditi posebnim ugovorom sa svakim zavisnim društvom – rudnikom uglja.

Član 5.

Rok za davanje pozajmica zavisnim društvima – rudnicima uglja za finansiranje aktivnosti iz člana 1. je najkasnije 31.12.2022. godine.

Član 6.

Nadzorni odbor JP Elektroprivreda BiH d.d.- Sarajevo će pratiti realizaciju ove Odluke.

Član 7.

Ova Odluka stupa na snagu danom donošenja.

Broj: SD-12872/21-69./8.
Sarajevo, 25.05.2021. godine

Predsjednik
Skupštine Društva

Jasmina Pašić

